



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Pro tentatis, maximè cùm præsens urget tentatio.

urn:nbn:de:hbz:466:1-37144

futurum esset, si raro, aut minus fixè proponebat? 2. Qui iter facit, et si frequenter cadat, nihilominus tamen proficit, & tandem ad optatum terminum pervenit, si semper iterum resurgat. Certè ex nobis mortalibus ferè omnes non aliter, quam cadendo, & surgendo, imus ad cælum. 3. Relapsus hominis, contrarium aliquena conatum adhibentis, censetur esse minus gravis, & ex fragilitate potius, quam ex deliberata malitia accidere. 4. permittit DEUS relapsum, ut in primis homo agnoscat se ex se nihil habere, nihil posse; & opem divinam adeo sibi necessariam ferventius imploret, majorēmque diffidentiam sui ipsius acquirat & humilitatem. Deinde, ut DEUS, qui humilibus dat gratiam, exaltare eum possit ad tantò maiorem sanctitatem in terris, & gloriam in cælis. 5. Frequens proinde relapsus esse potest, & debet occasio non tam abjiciendi, quam suscipiendi spem de magno progressu, in via virtutis & perfectionis faciendo. Rectissimè denique 6. Reginald. i.e. ad pusillanimem pœnitentem consolandum: in hujusmodi certamine, inquit, non ille, qui cadit, vincitur (dummodo surgere studeat) sed qui, fugiendo arenam, pugnare desinit, aut adversario se sponte dedit.

*Pro tentatis, maximè cum præsens
urget tentatio.*

169. X. Cùm quis ad peccatum aliiquid allicitur, sive jam à tentatione, sive à propria concupiscentia, occasione, vel alio homine, sciat id non fieri, nisi tantum per Diabolum, talibus utentem instrumentis. DEUS enim neminem tentat. Jacob, i. v. 13. sciat autem præterea,

hunc ipsum Diabolum fore deinde illius licetorem, accusatorem, & carnificem; qui nimis illum postea ad tribunal DEI rapiet, coram DEO de commissione peccato accusabit, perique sibi reum tradi pœnis æternis pro digna præstite obedientie mercede torquendum. Quis verò jam adeo demens est, ut furtum, homicidium &c. faciat ad instigatum illius, à quo ipso scit certò, se deinde prodendum, coram Judice accusandum, & ad supplicium rapiendum?

170. XI. Quando præsens est periculum peccandi, & tentatio gravis jam actu urget, tunc enim vero vel maximè opus est validis remediis. Præscribunt DD. passim 1. ut tentatus in memoriam revocet, & singulari studio renoveret Præsentiam DEI, Angeli Custodis &c. & 2. consideret, DEO, Angelis, totique Calo se spectaculum esse in hac arena & pugna; 3. consideret, quantis clamoribus Christus è Cælo dehortetur à peccando. 4. consideret, sibi à Christo auxilium, & manum porrigit ad vincendum, 5. sibi ipse ob oculos proponat unum vel plura, vel omnia, & singula Passionis Christi mysteria. 6. consideret Christum ante se in cruce pendentem, & expansis brachiis, sauciato corde, lacrimantibus oculis, vulneribus toto corpore hiantibus orantem, ne hoc & hoc peccato cruciatum ipsius angere velit. 7. consideret infamam peccati turpitudinem, horrenda illius damna, mortem imminentem. Judicem fulminantem, apertum infernum, æterna supplicia, æterna præmia, & similia alia apud Reginald. i. v. 183. Quæ omnia sunt quidem omnino longè præstantissima; Sed quid ju-

vant ægrum pretiosa pharmaca, si ei jam in agone constituto non possint esse ului? sicut h̄c s̄epissimè fit; cùm nimirum tentatio vel passio tristitiae v. g. Timoris, Iræ, & maximè carnis est adeo vehementis, ut licet usq; rationis non tollat, valde tamen perturbet, reddatque inhabilem ad instituendam seriem aliquam de rebus divinis considerationem. Qui involuti sunt naufragio, ruinæ tecti, incendio ædium, hostium globo seu turmæ, non solent ita esse otiosi & collecti, ut morosæ alicui considerationi vacare possint: sed nec illi multo plus possunt, quos valde vehementes tentationes & passiones, quasi torrentes iniquitatis conturbant; quasi dolores inferni circumdant, & quasi laquei mortis præoccupant. Ps. 17. v. 3. & 4. Experientia docet non tantum rudiores, sed etiam peritiores saepe in tali versari statu, ut de iis cum veritate dici possit illud Ps. 106. v. 27. turbati sunt, & moti sunt (a consensu (ob tenuitatem tamen & infirmitatem non pleno) ad dissensum, mox iterum ab isto ad illum, quasi jam ad sinistram, jam ad dextram titubando) sicut ebrius, & omnis sapientia eorum devorata est.

Quid ergo hic consilii? unicum ferè, certè præcipuum est, ut sicut in subitis & magnis periculis corporis quilibet ipsa natura dictante solet statim omnium hominum opem, & fidem inclamare; ita & in magno præsentique animæ discrimine DEUM & superos in auxilium ferventer advocemus. Neque necesse h̄c est, aut tempus patitur, instituere compunctionem XL. Horarum; sed sufficit, majore tamen cordis quam oris clama-

mōre, semel iterūmque unam vel alteram ex brevissimis hujusmodi Orationibus ingeminare: Domine adjuva me! salvum fac servum tuum Domine! Domine libera me ex hac hora! Domine vim patior; responde pro me! Domine ad adjuvandum me festina! Domine porrige operi manum tuarum dexteram tuam! JESU bone miserere mei, & salva me! Domine ne permitas me, separari à te! Dominus meus & DEUS meus! Egone peccabo in te? non faciam hoc in aeternum. Et ita cùm olim fieret in mari motus magnus, & navicula operta esset fluctibus, Christus excitatus fuit è somno, ventisque imperavit, & tranquillitatem magnam reddidit, ad unicam hanc discipulorum exclamationem: Domine! salvanos; perimus! Matth. 8. v. 25. Sicut iam Israëlitæ, quoties tribulatio urgебat, clamaverunt ad Dominum, & toutes de necessitatibus eorum eripuit eos. Ps. 106. Ipse quoque DEUS cuilibet speranti in ipsum promisit, & Ps. 90. v. 15. dixit: clamabit ad me, & ego exaudiā eum, vel auferendo temptationem, vel dando gratiam superandi illam. Multum h̄c etiam proderit, si quis sententiolam aliquam ex allatis sup. à n. 247. peccato, in cuius præsenti periculo est, contrariam & usu quodam sibi jam familiarem aliquoties repeatat. Qui autem neque isthuc remedium amplius adhibere potest, ille jam ultra humanæ libertatis terminos violentiæ temptationis & passionis abreptus esse viderur; vel alias etiam extra periculum debitam suarum & divinarum rerum memoriam curamque non habere. Ad quam proinde esset ante alia extimulandus.

171. XII. In specie autem loquendo de praesenti periculo peccandi in tentatione & concupiscentia carnis, nobis domesticâ cōque magis infestâ, videntur efficaciora cæteris esse sequentia remedia. I. Ut quis semel, bis, terve dicat linguâ, si solus; vel mente, si cum aliis sit, hanc multis jam experimentis felicissimè probatam Oratiunculam: *Per Sanctam Virgininitatem tuam, & immaculatam Conceptionem, ô Purissima Virgo, emunda cor meum & carnem meam in nomine Patris, & Fili, & Spiritus Sancti Amen.* Similique admotâ ad pectus dextrâ efformet parvo pollicis ductu signum Crucis. Quod etiam coram aliis facile potest ita fieri, ut nemo illorum advertat. II. Ut mentem, animûmque ad aliam quamcumque rem obviam seriò applicet, seriò v. g. conando inire numerum tegularum in aliquo tecto, litterarum in aliqua pagina, rotularum in fenestrîs, ramorum aut foliorum in arbore, florum in horto, vel prato, lapillorum in solo &c. Cū enim intellectus non possit pluribus rebus ex æquo cogitandis intentus esse, hoc ipso, quod uni rei seriò se impendat, deficit, vel etiam omnino definit cogitatio de aliis. Noctu verò in tenebris seriò conetur in memoriam revocare, quæ ab una, vel altera septimana honestè egit, dixit &c. vel seriò cogitet de negotiis aliquibus, quæ ratione officii, statûs, vel conditionis labore majore & studio ab ipso curanda fuerunt, sunt, velerunt; modò nihil sit tale, quod vel à longe rursus obscenum aliquid possit ingerere phantasiæ. III. Ut sensus voluptatis tollatur per sensum doloris; quod fieri potest variis corporis castigationibus. Sed non omnes possunt omnibus, aut ubique esse usui, Modus optimus est, quo quivis ubi vis, etiam coram aliis, facile possit lascivientem carnem, ejusque pruritum compescere, si aciculâ v. g. aliavæ simili parva cuspidæ paulò acriùs infixa, sine periculo tamen gravis laesionis, digitum, manum, brachium, aut pectus compungat. Multum etiam ad motus carnis sedandos juvat, mutare situm corporis; ut si jacentem aut sedentem invadant, surgat; si stantem, obambuler, maximè gradu citiore, vel suscipiat aliquem laborem &c. Desinunt etiam equi lascivire, si post unam alteramve circumgirationem subiectis calcaribus incitentur in cursum. IV. Etsi cum temptationibus carnis tam parùm, quam cum luto homine, luctandum sit; fed omnino quilibet, qui munditiem amat, fugere debat; expedit tamen etiam plurimum, ut fuga non sit mera fuga; neque recessus à malo fiat sine progressu in bono Castitatis. Quoties ergo aliquis à Diabolo infestatur tentatione carnis, ut vexet vexantem, illâ neglectâ studeat hos vel similes actus virtutum amore Castitatis exercere, dicendo in animo & ex animo.

1. Doleo Domine de omnibus peccatis contra castitatem unquam commissis. 2. Offero tibi, ô JESU! in satisfactionem dolores flagellationis & spineæ coronationis tuæ. 3. Rogo te Domine, ne permittas, me sub capite spinoso esse membrum delicti deditum. 4. Utinam omnes de suis contra Castitatem peccatis etiam mecum seriò dolerent. 5. Domine custodi omnes innocentes in puritate cordis & corporis &c. Ita non tantum defensivè, sed offensivè belligeramus cum hoste

hoste nostro ; qui proinde vel omnino cessat nos impugnare; vel multò rariùs & remissius id facit, si viser, aliud se nihil efficere, quām ut tentando præbeat nobis semper occasionem, tot actus virtutum exercendi. Idque expertisunt non pauci. V. Cūm Dæmones sint tam superbi spiritus, vehementer horrent & fugiunt, si ipsi nos humiliemus, & illos despiciamus. Sic S. Franciscus Borgias Diabolum, qui ei, aegris servienti in Xenodochio, dicebat: *Tantus cūm sis, inter scurras versari qui potes?* statim instar tunc fecit evanescere hoc responso; *miror ego, quod tu, cūm tam superbis sis, me miserum dignaris alloqui.* Alius diabolus in porci ipe-
cie sibi infestum fugavit, dicendo: *Ergone ex Angelo porcus factus es miser?* Sequere igitur consilium optimum Thomæ Kemp. I. 3. cap. 6. n. 4. & cūm Diabolus mala infest & immunda, imputa illi & dico: *Vade immunde Spiritus!* erubet miser! valde immundus es, qui talia infers auribus meis. Dignus ego non sum, ut propter me ad tam sordida te dimittas &c.

Pro Confessariis.

172. Denique, ut quæ ad spirituales hominum morbos curandos pertinent, quasi in unam summam recolligam, obseruentur leqq. documenta, ex parte jam olim à S. Francisco Xaverio, utriusque orbis Thaumaturgo, tradita, lib. 6. vita cap. 12. & 17. I. Confessarius animorum sanandorum cupidine accensus, comiter benignèque excipiat confitentes, nullam le veritatem, sed omnem facilitatem ostendendo, sicut in initio, ita & in decurso, ut spiritualis Medici benignitas pelli-
cate eos ad omnia conscientiæ luctæ vulnera

sincerè aperienda. II. Cūm non omnino nulli sint, qui pudore impediti quandoque commissa scelera majore scelere supprimant, salubri confessionis remedio in perniciem verso; idcirco adversus existiam hanc verecundiam omni ope & arte certari debet. Expeditiore autem via id fieri non potest, quām cum magna charitate ostendendo, se paratum ad illum quām optimè juvandum, extenuando peccata (jam fortè dicta) ob fragilitatem naturæ, ob vehementiam passionis, temptationis, occasionis &c. extollendo infinitam DEI Clementiam & Misericordiam; dicendo, se nōsse longè graviora peccata, quām ipse possit afferre; proponendo exempla eorum, qui ex gravissimis peccatoribus facti sunt magni servi & amici DEI, ut S. Augustinus ex hæretico & fornicatio, S. Cyprianus ex Mago, & venefico, S. Theophilus ex mancipatu Diaboli, S. Moyses ex latrone &c. S. Maria Magdalena, S. Maria Ægyptiaca, S. Thais, S. Pelagia &c. ex mancipatu Venneris &c. inter quos etiam ipse, si ritè confiteatur, esse possit; dicendo, se quoque peccatorem esse, & majora commissurum fuisse, vel adhuc esse, quām ipse habeat, nisi DEUS singulariter custodire volueret, aut adhuc velit. cit. cap. 17. III. Post morbum per sinceram & integrum peccatorum confessionem cognitum exploranda est etiam pœnitentis voluntas & facultas. In voluntate enim, si non sit, debet primò accendi fervor suscipiendo feriam curam sue salutis. Viribus quoque sic sunt attemperanda remedia, ut iis nullus obruiatur, vel deterreatur. Quod si Confessarius putet, suâ operâ aliquem constantiū usorum, neque tamen satis

N 3

esse